



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱԿԱՆ ՎԵՐԱՔՆՆԻՉ ԴԱՏԱՐԱՆ

Գործ № ՎԴ/9694/05/13

Ո Ր Ո Շ ՈՒ Մ

ԴԱՏԱՎԱՐՈՒԹՅԱՆ ՄԱՍՆԱԿՑԻՆ ԻՐԱՎԱՀԱՋՈՐԴՈՎ ՓՈԽԱՐԻՆԵԼՈՒ ՄԱՍԻՆ

25 հունիսի 2014 թվական

քաղաք Երևան

Հայաստանի Հանրապետության վարչական վերաքննիչ դատարանը
հետևյալ կազմով (այսուհետև՝ Վերաքննիչ դատարան)
նախագահող դատավոր Ա. Աբովյան,
դատավոր Ա. Բաբայան,
դատավոր Ա. Սարգսյան,



քննարկելով ըստ Հայաստանի Հանրապետության կառավարության առընթեր պետական եկամուտների կոմիտեի Մաշտոցի հարկային տեսչության հայցի, ընդդեմ անհատ ձեռնարկատեր Յուրի Սալիցյանի՝ 665.710 դրամ գումար բռնագանձելու նախաձեռնված վերաբերյալ, № ՎԴ/9694/05/13 վարչական գործով Հայաստանի Հանրապետության վարչական դատարանի 2014 թվականի փետրվարի 6-ի վճռի դեմ ՀՀ կառավարությանն առընթեր պետական եկամուտների կոմիտեի Մաշտոցի հարկային տեսչության բերած վերաքննիչ բողոքի քննության կապակցությամբ ՀՀ ֆինանսների նախարարության Մաշտոցի հարկային տեսչության բերած միջնորդությունը՝

Պ Ա Ր Զ Ե Ց

Հայաստանի Հանրապետության վարչական դատարանի (նախագահող դատավոր՝ Ռ. Խանդանյան) 2014 թվականի փետրվարի 6-ի վճռով հայցը բավարարվել է մասնակի:

2014 թվականի մարտի 4-ի փոստային առաքմամբ (Վերաքննիչ դատարանում ստացվել է մարտի 6-ին) ստացվել է Հայաստանի Հանրապետության կառավարությանն առընթեր պետական եկամուտների կոմիտեի Մաշտոցի հարկային տեսչության վերաքննիչ բողոքը Վճռի դեմ: Գործը Վերաքննիչ դատարանում ստացվել է բողոքը վարույթ ընդունելու հարցի լուծումը դատական կազմին է հանձնարարվել 2014 թվականի մարտի 12-ին:

Վերաքննիչ դատարանի ապրիլի 4-ի որոշմամբ բողոքն ընդունվել է վարույթ, և դատաքննության է նշանակվել հունիսի 5-ին: Հունիսի 5-ի նիստն անց է կացվել կողմերի մասնակիցների բացակայությամբ: Այդ նիստում բողոքով դատաքննությունը հետաձգվել է նշանակվել է օգոստոսի 21-ին:

2014 թվականի հունիսի 23-ին Վերաքննիչ դատարանում ստացվել է ՀՀ ֆինանսների նախարարության Մաշտոցի հարկային տեսչության միջնորդությունը, որով խնդրում է ՀՀ կառավարությանն առընթեր պետական եկամուտների կոմիտեի Մաշտոցի հարկային տեսչությանը փոխարինել իրավահաջորդով՝ Հայաստանի Հանրապետության ֆինանսների նախարարության Մաշտոցի հարկային տեսչությամբ:

Վերաքննիչ դատարանը փաստում է, որ Հայաստանի Հանրապետության կառավարության 2014 թվականի մայիսի 8-ի № 500-Ն որոշման (ուժի մեջ է մտել 2014 թվականի մայիսի 17-ին) 1-ին կետով «Հայաստանի Հանրապետության ֆինանսների նախարարության աշխատակազմ» պետական կառավարչական հիմնարկը և «Հայաստանի Հանրապետության կառավարությանն առընթեր պետական եկամուտների կոմիտեի աշխատակազմ» պետական կառավարչական հիմնարկը միաձուլման ձևով

վերակազմակերպվել է՝ ստեղծելով «Հայաստանի Հանրապետության ֆինանսների նախարարության աշխատակազմ» պետական կառավարչական հիմնարկ:

Նույն որոշման 4-րդ կետով ուժը կորցրած է ճանաչվել Հայաստանի Հանրապետության կառավարության 2008 թվականի սեպտեմբերի 4-ի «Հայաստանի Հանրապետության կառավարությանն առընթեր պետական եկամուտների կոմիտեի կանոնադրությունը և աշխատակազմի կառուցվածքը հաստատելու մասին» N° 1005-Ն որոշումը, իսկ 3-րդ կետի 2-րդ ենթակետով հաստատված 2-րդ հավելվածով նոր խմբագրությամբ է շարադրվել Հայաստանի Հանրապետության կառավարության 2008 թվականի մայիսի 15-ի «Հայաստանի Հանրապետության ֆինանսների նախարարության կանոնադրությունն ու աշխատակազմի կառուցվածքը հաստատելու և Հայաստանի Հանրապետության կառավարության 2002 թվականի հուլիսի 11-ի N 1460-Ն որոշումն ուժը կորցրած ճանաչելու մասին» N 503-Ն որոշման N° 2 հավելվածը, որի համաձայն, Հայաստանի Հանրապետության ֆինանսների նախարարության աշխատակազմի կառուցվածքում գործում է Մաշտոցի հարկային տեսչությունը:

Նման պայմաններում Վերաքննիչ դատարանն արձանագրում է, որ սույն գործով հայցվոր Հայաստանի Հանրապետության կառավարությանն առընթեր պետական եկամուտների կոմիտեի Մաշտոցի հարկային տեսչությունը վերոնշյալ վերակազմակերպման արդյունքում դուրս է եկել դատավարությունից:

Հայաստանի Հանրապետության վարչական դատավարության օրենսգրքի 20-րդ հոդվածի 1-ին և 2-րդ մասերի համաձայն, «դատավարությունից կողմերից մեկի դուրս գալու դեպքում (իրավաբանական անձի կամ վարչական մարմնի վերակազմակերպում, ֆիզիկական անձի մահ կամ պարտավորություններում անձանց փոփոխման այլ դեպքեր) դատարանը կատարում է այդ կողմի փոխարինում նրա իրավահաջորդով, որի վերաբերյալ կայացնում է որոշում՝ առանձին դատական ակտի տեսքով և դատավարությունից հայցվորի դուրս գալու դեպքում հայցվորի փոխարինումը տեղի է ունենում հայցվորի իրավահաջորդի միջնորդությամբ»:

Վերոգրյալից ելնելով՝ Վերաքննիչ դատարանը գտնում է, որ անհրաժեշտ է կատարել դատավարության մասնակցի փոխարինում իրավահաջորդության կարգով:


Վերոգրյալի հիման վրա և ղեկավարվելով Հայաստանի Հանրապետության վարչական դատավարության օրենսգրքի 20-րդ հոդվածի 1-ին և 2-րդ մասերով և 148-րդ հոդվածի 6-րդ մասով՝ Վերաքննիչ դատարանը՝

Ո Ր Ո Շ Ե Ց

1. Հայաստանի Հանրապետության ֆինանսների նախարարության Մաշտոցի հարկային տեսչության միջնորդությունը բավարարել N° ՎԴ/9694/05/13 վարչական գործով հայցվոր ՀՀ կառավարությանն առընթեր պետական եկամուտների կոմիտեի Մաշտոցի հարկային տեսչությունը փոխարինել իրավահաջորդով՝ Հայաստանի Հանրապետության ֆինանսների նախարարության Մաշտոցի հարկային տեսչությամբ:

2. Սույն որոշումն ուժի մեջ է մտնում կայացման պահից և բողոքարկման ենթակա չէ:

ՆԱԽԱԳԱՅՐՈՂ ԴԱՏԱՎՈՐ
Ա. ԱՐԲԱՅՆՍ



ԴԱՏԱՎՈՐ
Ա. ԲԱԲԱՅՆՍ



ԴԱՏԱՎՈՐ
Ա. ՍԱՐԳՍՅԱՆ

